

Tajuk : Rannee Pat udah sedia napi Anugerah Muzik Dayak 2012

Rannee Pat udah sedia napi Anugerah Muzik Dayak 2012

KUCHING: Penanyi baru Dayak, Rannee Pat udah sedia napi Anugerah Muzik Dayak (DAMA) 2012 ti deka diatur kenaka 24 November tu di DeTAR UNIMAS.

Iya ti deka bepekit ngerebut tiga kategori ngarapka sukung ari semua peminat sereta album 'Tua Semina Bepangan' ti dipansutka ba bulan Disember 2011 suba tau mai tuah ngagai iya.

Bedau lama tu tadi, penanyi peranak Bidayuh (Selako) ari Kampung Sedaing, Sematan tu udah ngelancharka 'Rannee Pat Fan Club' ti diatur enggau

tuju meri basa ngagai semua peminat ti udah nyukung iya ngelama tu.

Diatur ba sebuah palan nge-lantang ati 'Langgak', pengawa nya digulu raban OCH Sound Production (OCSHP), bala artis Dayak, DJ radio sereta peminat Rannee.

Baju 'Rannee Pat Fan Club' bisi mega disadung ba pengawa malam nya.

"Ngarapka 'Rannee Pat Fan Club' ulih ngerapitka kaulaku enggau semua peminat sereta tau matak mayuh agi peminat begulai enggau aku.

"Sukung ari semua peminat



PEMINAT: Rannee Pat (bediri empat ari kiba) begambar begulai enggau raban OCSHP, artis Dayak, DJ radio sereta raban peminat.



SAMA NYUKUNG: (ari kiba) Oliver, Mathew Abu, Gordon John, Boy AkaiDai, Rannee, Elchris enggau Andrea Pop Yeah Yeah bela datai ngerami pengawa malam nya.

mega dikearap tau mai pemu-
jur maya malam DAMA 2012
tu ila,"ku iya.

Iya ke benung merambu
ngaga album kedua dalam awak
ke semak tu perchaya industri
muzik Dayak tau maju sebaka
enggau muzik bukai enti diadu
nitihka chara ti betul ke alai iya
ngansak semua besaup ngemu-
naska CD/VCD chelak.

Rannee Pat seiku artis ti be-
serakup dalam OCSHP begulai
enggau tiga iku artis bukai baka
Donny Lang, Jessica Remaya
sereta Lees Zwita.

Ba DAMA 2012, Rannee
deka bepekit dalam kategori
'Artis Baru Tebilang', 'Kulit Al-

bum Pengabis Manah' enggau
'Artis Pop Kreatif Tebilang'.

Iya mega diberi awak man-
taika sera nyawa lagu *Aus
Pengerindu Ketegal Nuan* di
atas panggau DAMA 2012
malam nya ila.

Donny Lang mega nyadi
pengari kedua OCSHP ba pekit
malam nya. Iya bepekit dalam
empat kategori iya nya Artis
Lelaki Tebilang, Kulit Album
Pengabis Manah, Susun Muzik
Pengabis Manah sereta Video
Pengabis Manah.

Bela datai ngerami Menijer
OCSHP Oliver Christy Henry
enggau Sapit Menijer Gibbson
Richard.